

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা

সংবাদ গতিধারা

জাতীয় দৈনিকসমূহে প্রকাশিত সম্পাদকীয়’র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ১২৫/২০১৭  
ঢাকা, বৃহস্পতিবার ২৯ জুন ২০১৭, ১৫ আষাঢ় ১৪২৪

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। আবগারি শুল্ক কমিয়ে অর্থবিল পাস
- ২। ভ্যাট আইন দুই বছর স্থগিত এবং আবগারি শুল্ক কমানোর পরামর্শ প্রধানমন্ত্রীর
- ৩। জঙ্গি দমনে বাংলাদেশ বিশ্বে রোল মডেল : সংসদে প্রধানমন্ত্রী
- ৪। ঈদ বন্ধুত্বপূর্ণ সমাজ গড়ে তোলে : রাষ্ট্রপতি
- ৫। সমৃদ্ধ দেশ গড়তে সবার সহযোগিতা চাই : গণভবনে ঈদ শুভেচ্ছা বিনিময়কালে প্রধানমন্ত্রী
- ৬। চালের দাম শীত্রাই স্বাভাবিক হয়ে আসবে : বাণিজ্যমন্ত্রী
- ৭। হলি আর্টিজান হামলার নির্ভুল চার্জিশিট শীত্রাই : স্বরাষ্ট্রমন্ত্রী
- ৮। বর্তমানে অধিকাংশ অপরাধ ইন্টারনেটকেন্দ্রিক : সংসদে স্বরাষ্ট্রমন্ত্রী
- ৯। দেশে ১৫ বছরের উর্ধ্বে কর্মক্ষম জনগোষ্ঠী ৫৮.৫ শতাংশ : সংসদে পরিকল্পনামন্ত্রী
- ১০। সারাদেশে রথযাত্রা উদ্যাপিত

### ১। আবগারি শুল্ক কমিয়ে অর্থবিল পাস

প্রস্তাবিত নতুন ভ্যাট আইন প্রত্যাহার ও ব্যাংক আমানতের ওপর বিদ্যমান আবগারি শুল্ক প্রত্যাহার, চালের উপর আমদানি শুল্ক ১০ শতাংশ বহাল রাখাসহ বেশ সুবিধা দিয়ে অর্থবিল-২০১৭ পাস হয়েছে। গতকাল ২৮ জুন বুধবার জাতীয় সংসদ অধিবেশনে অর্থমন্ত্রী আবুল মাল আবদুল মুহিত বিলটি পাসের প্রস্তাব উত্থাপন করলে তা কঠিভোটে পাস হয়। এ সময় অর্থমন্ত্রী বহুল বিতর্কিত ভ্যাট আইন প্রত্যাহার এবং ব্যাংক আমানতের এক লাখ টাকা পর্যন্ত শুল্ক মওকুফসহ আমানতের ওপর আবগারি শুল্ক পুনর্বিন্যাস করেন। সূত্র-ইনকিলাব (পৃ.১,ক.৫), সংবাদ (পৃ.১, ক.৫), ডেইলি সান (পৃ.১,ক.৩), ফিনানশিয়াল এক্সপ্রেস (পৃ.১,ক.২)।

### ২। ভ্যাট আইন দুই বছর স্থগিত এবং আবগারি শুল্ক কমানোর পরামর্শ প্রধানমন্ত্রীর

ভ্যাট আইন-২০১২ এর কার্যকারিতা আরও দুই বছর কার্যকর না করা ও ব্যাংক আমানতের ওপর পাঁচ লাখ টাকা পর্যন্ত আবগারি শুল্ক ১৫০ টাকা করার পরামর্শ দিয়েছেন প্রধানমন্ত্রী শেখ হাসিনা। গতকাল ২৮ জুন বুধবার সংসদে বাজেট আলোচনায় অংশ নিয়ে অর্থমন্ত্রী আবুল মাল আবদুল মুহিতকে তিনি এসব পরামর্শ দেন। এছাড়া চালের ওপর আমদানি শুল্ক যতদিন প্রয়োজন ততদিন ১০ শতাংশ বহাল রাখারও পরামর্শ দেন প্রধানমন্ত্রী। প্রধানমন্ত্রী বলেন, বাজেট মানুষের জন্য, মানুষের কোনো কষ্ট হোক এটা আমরা চাই না। তিনি বলেন, ১৯৯১ সালের ভ্যাট আইন ও হারই কার্যকর থাকছে। সূত্র-সংবাদ (পৃ.১,ক.২), ইত্তেফাক (পৃ.১,ক.৮), এশিয়ান এজ (পৃ.১,ক.১), ডেইলি সান (পৃ.১,ক.১)।

### ৩। জঙ্গি দমনে বাংলাদেশ বিশ্বে রোল মডেল : সংসদে প্রধানমন্ত্রী

প্রধানমন্ত্রী শেখ হাসিনা বলেছেন, আওয়ামী লীগ সরকার ক্ষমতায় আসার পর জঙ্গি দমনে ‘জিরো টলারেন্স’ নীতির ভিত্তিতে কার্যকর পদক্ষেপ ও পরিকল্পনা গ্রহণ করায় জঙ্গি দমনে সারা বিশ্বে বাংলাদেশ আজ ‘রোল মডেল’ হিসেবে বিবেচিত হচ্ছে। গতকাল ২৮ জুন বুধবার দশম জাতীয় সংসদের ১৬তম (বাজেট) অধিবেশনের ১৮তম কার্যদিবসে প্রধানমন্ত্রীর জন্য নির্ধারিত প্রশ্নেতর পর্বে প্রধানমন্ত্রী শেখ হাসিনা এসব কথা বলেন। সূত্র-সংবাদ (শেষ পৃ.ক.৪), প্রথম আলো (পৃ.২,ক.২), ডেইলি সান (শেষ পৃ.ক.১), ইভিপেনডেন্ট (পৃ.২, ক.৭)।

### ৪। ঈদ বন্ধুত্বপূর্ণ সমাজ গড়ে তোলে : রাষ্ট্রপতি

রাষ্ট্রপতি মো. আবদুল হামিদ বলেছেন, শান্তিপূর্ণ ও বন্ধুত্বপূর্ণ সমাজ গড়ে তুলতে এবং ধনী-দরিদ্র, বিশিষ্ট ব্যক্তি, সুবিধাবণ্ণিত লোকসহ সব মানুষকে এক ছাতার নিচে নিয়ে আসার সুযোগ সৃষ্টি করে দেয় ঈদ। বঙ্গবন্দে গত ২৬ জুন সোমবার পবিত্র ঈদুল ফিতর উপলক্ষে আয়োজিত এক সংবর্ধনা অনুষ্ঠানে রাষ্ট্রপতি এ কথা বলেন। রাষ্ট্রপতি মো. আবদুল হামিদ এবং তাঁর স্ত্রী রাশিদা খানম এ দিন সংবর্ধনা অনুষ্ঠানে ঈদের শুভেচ্ছা বিনিময় করেন। সূত্র-প্রথম আলো (পৃ.২, ক.৭), সমকাল (পৃ.২, ক.৮)।

### ৫। সমৃদ্ধ দেশ গড়তে সবার সহযোগিতা চাই : গণভবনে ঈদ শুভেচ্ছা বিনিময়কালে প্রধানমন্ত্রী

প্রধানমন্ত্রী শেখ হাসিনা উন্নত-সমৃদ্ধ বাংলাদেশ গড়ে তুলতে সবার সহযোগিতা চেয়েছেন। তিনি বলেন, বাংলাদেশ আবার জেগে উঠেছে, হারানো মর্যাদা পুনঃপ্রতিষ্ঠা করেছে। আমরা জাতির পিতার স্বপ্নের দারিদ্র্য ও ক্ষুধামুক্ত উন্নত-সমৃদ্ধ বাংলাদেশ গড়তে চাই। এজন্য নারী-পুরুষ ও ধর্ম-বর্ণ নির্বিশেষে সবার সহযোগিতা চাই। গত ২৬ জুন সোমবার ঈদুল ফিতরের দিন গণভবনে সর্বস্তরের মানুষের সঙ্গে শুভেচ্ছা বিনিময় শেষে প্রধানমন্ত্রী সাংবাদিকদের সাথে আলাপকালে এ কথা বলেন। সূত্র-সমকাল (পৃ.২,ক.৫), প্রথম আলো (পৃ.২,ক.২), এশিয়ান এজ (শেষ পৃ.ক.৬), ডেইলি সান (পৃ.২,ক.২)।

৬। চালের দাম শীত্রই স্বাভাবিক হয়ে আসবে : বাণিজ্যমন্ত্রী

চালের দাম শীত্রই স্বাভাবিক হয়ে আসবে বলে আশা প্রকাশ করেছেন বাণিজ্যমন্ত্রী তোফায়েল আহমেদ। তিনি বলেন, ভিয়েতনাম থেকে আড়াই লাখ মেট্রিক টন চাল আমদানি করার কথা রয়েছে। সেই চাল শীত্রই দেশে পৌছবে। ওই চাল আসলেই দেশে চালের বাজার স্বাভাবিক হয়ে যাবে। গতকাল ২৮ জুন বুধবার সচিবালয়ে ঈদের শুভেচ্ছা বিনিময়ের পর তিনি এসব কথা বলেন। সূত্র-সংবাদ (শেষ পৃ.ক.২), ইতেফাক (পৃ.২,ক.২)।

৭। হলি আর্টিজান হামলার নির্ভুল চার্জশিট শীত্রই : স্বরাষ্ট্রমন্ত্রী

গুলশানের অভিজাত রেঙ্গোরা হলি আর্টিজান বেকারিতে জঙ্গি হামলার ঘটনায় দায়ের করা মামলায় চার্জশিট খুব শীত্রই দেওয়া হবে। নির্ভুল চার্জশিট দেওয়ার ব্যবস্থা নেওয়া হচ্ছে। গতকাল ২৮ জুন বুধবার সচিবালয়ে ঈদের ছুটি শেষে প্রথম কর্মদিবসে শুভেচ্ছা বিনিময় শেষে স্বরাষ্ট্রমন্ত্রী আসাদুজ্জামান খাঁন কামাল এ কথা বলেন। সূত্র-সমকাল (পৃ.২,ক. ৮), সংবাদ (পৃ.১,ক.১)।

৮। বর্তমানে অধিকাংশ অপরাধ ইন্টারনেটকেন্দ্রিক : সংসদে স্বরাষ্ট্রমন্ত্রী

বর্তমানে অপরাধ অধিকাংশই ইন্টারনেটকেন্দ্রিক হয়ে পড়েছে বলে সংসদকে জানিয়েছেন স্বরাষ্ট্রমন্ত্রী আসাদুজ্জামান খাঁন কামাল। তিনি বলেন, ইন্টারনেটভিত্তিক যোগাযোগ ব্যবস্থার উন্নয়নের ফলে এ ধরনের পরিস্থিতির সৃষ্টি হয়েছে। গতকাল ২৮ জুন বুধবার সংসদে সংসদ সদস্য বজলুল হক হারণের এক প্রশ্নের জবাবে স্বরাষ্ট্রমন্ত্রী এ তথ্য জানান। সূত্র-সমকাল (পৃ.৬,ক. ২), ফিনানশিয়াল এক্সপ্রেস (পৃ.১,ক.১)।

৯। দেশে ১৫ বছরের উর্ধ্বে কর্মক্ষম জনগোষ্ঠী ৫৮.৫ শতাংশ : সংসদে পরিকল্পনামন্ত্রী

পরিকল্পনামন্ত্রী আ হ ম মুস্তফা কামাল জানিয়েছেন, দেশের মোট জনসংখ্যার মধ্যে ১৫ বছরের উর্ধ্বে কর্মক্ষম জনগোষ্ঠীর সংখ্যা ৫৮ দশমিক ৫ শতাংশ। এর মধ্যে কর্মক্ষম পুরুষের সংখ্যা মোট জনগোষ্ঠীর ৮১ দশমিক ৯ শতাংশ এবং নারীর সংখ্যা ৩৫ দশমিক ৬ শতাংশ। মন্ত্রী বলেন, কর্মক্ষম জনগোষ্ঠীর বেশিরভাগ কৃষির সঙ্গে সম্পৃক্ত, যার পরিমাণ ৪২ দশমিক ৭ শতাংশ। গতকাল ২৮ জুন বুধবার জাতীয় সংসদে এক প্রশ্নের জবাবে পরিকল্পনামন্ত্রী এসব কথা বলেন। সূত্র-যুগান্তর (পৃ.১৩,ক ৬)।

১০। সারাদেশে রথযাত্রা উদ্যাপিত

সারাদেশে হিন্দু সম্প্রদায়ের অন্যতম ধর্মীয় উৎসব রথযাত্রা পালিত হয়েছে গত ২৫ জুন রোববার। দেশের প্রধান রথযাত্রাটি অনুষ্ঠিত হয় স্বামীবাগের আন্তর্জাতিক কৃষ্ণ ভাবনামৃত সংঘে (ইসকন)। এদিন রাজধানীর স্বামীবাগের ইসকন মন্দিরে সকাল ৮টা থেকে শুরু হয় রথযাত্রার মূল আচার-অনুষ্ঠান। শ্রী শ্রী জগন্নাথ দেবের রথযাত্রা-২০১৭ উপলক্ষে দেওয়া এক বাণীতে প্রধানমন্ত্রী শেখ হাসিনা বলেছেন, ধর্মীয় উৎসব মানুষের মনের উদারতা বিকশিত করার পাশাপাশি সব ধর্মের মানুষের মধ্যে পারস্পরিক সম্পৰ্ক ও ঐক্যের বন্ধন সুদৃঢ় করে। সূত্র-ভোরের কাগজ (শেষ পৃ.ক ৮), সমকাল (পৃ.৩.ক.৮)।

সম্পাদকীয়

- ক. ইতেফাক : ‘পেটিয়া’ নামের র্যানসমওয়্যার সাইবার হামলা থেকে বাংলাদেশকে সুরক্ষায় বৈধ অপারেটিং সফটওয়্যার ও উন্নতমানের অ্যান্টিভাইরাস ব্যবহার এবং অ্যান্টিভাইরাস প্রতিনিয়িত আপডেট রাখা অত্যন্ত জরুরি বলে অভিমত।
- খ. সংবাদ : প্রায় ৭০ লাখ লোক দেশে মাদকাসক্তিতে ভুগছে উল্লেখ করে মাদকাশক্তির চিকিৎসায় অরাজক পরিস্থিতি দূর করতে মাদক চিকিৎসা কেন্দ্রগুলোর দায়িত্ব স্বরাষ্ট্রের পরিবর্তে স্বাস্থ্য মন্ত্রণালয়ের অধীনে ন্যস্ত করার সুপারিশ।
- গ. প্রথম আলো : দেশের ৩২৭টি পৌরসভার প্রায় সাড়ে ৩২ হাজার কর্মকর্তা-কর্মচারীর বকেয়া বেতন দ্রুত পরিশোধের ব্যবস্থা নেওয়ার আহ্বান।

- ঘ. **সমকাল** : রংপুর জেলা পরিষদের সদস্যরা স্বাধীনভাবে যেন কার্যক্রম পরিচালনা করতে পারেন সেজন্য জেলার সব সংসদ সদস্য সব ধরনের সহযোগিতা প্রদান করবেন বলে প্রত্যাশা।
- ঙ. **ইভিপেনডেন্ট** : রাজউকের কার্যক্রমে নানাবিধি অনিয়ম ও বিশৃঙ্খলায় রাজধানীর উন্নয়ন কর্মকাণ্ড ব্যাহত হওয়ায় রাজউককে দ্রুত যথাযথ পদক্ষেপ নেওয়ার সুপারিশ।
- চ. **ডেইলি স্টার** : বয়স্ক শিক্ষার হার বৃদ্ধির ক্ষেত্রে বাংলাদেশের সাফল্য তুলে ধরে সরকারকে এসব লোকের কর্মসংস্থানের সুযোগ সৃষ্টি ও জীবনযাপনের মানোন্নয়নের ওপর গুরুত্ব দেওয়ার সুপারিশ।
- ছ. **নিউ এজ** : আইনশৃঙ্খলা বাহিনীর প্রতি সাধারণ জনগণের আস্থা অর্জনের ওপর গুরুত্বারূপ করে সম্পাদকীয় প্রকাশ করেছে।

### উপ-সম্পাদকীয়

ইন্ডোকায় পত্রিকায় প্রকাশিত কলামে উল্লেখ করা হয়েছে, উন্নয়নের অঞ্চলিক টেকসইভাবে এগিয়ে চলার পথে কোনো ক্ষেত্রেই গাফিলতির কোনো সুযোগ নেই।

### নিবন্ধ ও ফিচার

সংবাদ পত্রিকায় প্রকাশিত ‘শিশুর জীবন বাঁচায় টিকা’ শিরোনামের নিবন্ধে অভিমত প্রকাশ করা হয়েছে, প্রাণঘাতী অনেক রোগ থেকে শিশুকে বাঁচাতে টিকাদানের কোনো বিকল্প নেই।

#

ডালিয়া/শুকলা/মরজিনা/আসমা/২০১৭/৯.০০ ঘণ্টা